



# Pòmóc Brukseli abò jajów numrowanié

TÓMK FÓPKA

*Robił jem prawie w Swiáto Samòstójnotë prażnicã. Czej më jesmë taczi samòstójny, to mògã so piec, co chcã, nié?*

*Tak tej nalóził jem panew z teflonã, cobë jaja dobrze òdchòdzëlë i sygnãł jem do lodówczy. Nagarinóm: jedno, drëdzë, trzecë – a wszëtczë z numrama. Straszny, ùniowi pòrzãdk sã òbjawil w mòjim jajowim królestwie. Przë numrze 3PL28031301 doszłò do mi swiãdë, że nié bez przëtrófk te jaja sã taczë – numrowatë. Pewno ten, co je sztampłowòł, widzył w tim jaczi cwëk. Mòże kùra mia òd jaja ptaconé? A mòże ti, co z ni je wëcyskelë, hùmanitarno i ekòlogiczno. Tak, cobë sã zwiërz nie mãczil i cobë nòtërë nie skãżëc nienumrowónym jajã... (Zarò mie téz na mësłã przëszłò numrowanié lëdzy w niemiecczych lagrach òb czas wòjnë).*

*Jeżlë ju jaja mają cyferczi, to mòże pòdlug nich je tlëc i na panwiã dawac? Tec më, spòd dównégò przëszcégò zòbòru pòdobno wszëtkò robimë pòdlug szturu, pòsobno i pòrzãdno. A tu jinstrukcje bicò jajów ni ma...*

*Hewò jaja leżã. A tak pò pròwdze wzãto je na kùlanié i ta jajowò rëzka, co jem jã pòdlug numrów ùsadzył – rozlazłã sã, jakbë to dze we wschòdny Pòlsce bëłò, abò jesz lepi w jaczi Galicji...*

*Równak doma jò rzãdzã. Jem samòstójny (prawie biãtchi nie bëłò). Tedë zrobił jem tã prażnicã bez jajów rëchòwaniò. I ùnia mie zarò skòra, bò jaja sã do pieczeniowégò statkù prosto przëlëmilë. A taczi teflonowi bëł...*

*Jaja sã leno mòlinczim wëjimkã z te, co nóm ùniowi ùrzãdnicë nakòzywają a pòlschi ùrzãdnicë wiërno wpròwòdzają. Procëm pòlschi samòstójnosć. Procëm rozëmòwi czãsto a gãsto. Czej ti mądrzelowie mùszã ju w ti Brukseli nama zëcë ùproscywac, tej jò mòże jima pòmògã...? Takã listã zrobiã. Spisënk rzeczi, co je mùszi wëkònac, żebë ùrzãdnicë mielë co robic – a nama to i tak nick nie pòmòże...*

*(Mòże bëc tak, że ju chto na cos chùtchi wpòdł, a jò mógl jem nie wiedzec, bò TV nie òbzeróm...)*

*Tej:*

*– piãc dludżich tikeńdów na rok, zòkòz smùtnëch minów, globalné òcplenie, bananów proscenie, òzonowò dzura,*

*sztërë jizbë parlameńtu, comiesãczny król dlò chłopów, ekòlogicznë niegòlenie biãtczënych nogów, mierzenie zakrãconoscë swinich ògónów, zacwierdzywanie wiòlgòscë krowich plinców, sztandartë głąbòkoscë majowëch plëtów, regulacja gòsnoscë mëgów, òbrzëszkowi ZUS – òd słowów: „zeżgrzemë ùzorgónã sëmã”, przimùsowi NFZ – co znaczy: „nòlepi flotni zdëchnãc”, ùprawienie òkrãgòscë zëmòwëch bùwrónów, wskòzanie sztandartu czerwionoscë bòcònowëch dzobów, mòdłã, jak robic, bë sã nie narobic a zarobic, przepis na chùdnienie przez jedzenie i jak z wrëka dëtka wëczehlac;*

*– pòdatczy: za niewërazné gòdanie, za gòłò spanie, òd smierdzącëch bótów, wëtlëktëch rutów, nierównëch krowów, za picë sztokù, òd grëbëch òkùlórów, za niejidzenie do wëbòrów, dlò sajów, òd stòrëch jajów, dlò wiecznëch pannów i kawalerów, òd za czãsto chòrëch, czej krzëwi zãb je, za bestré lómpë, òd za cemny nocë, òd zdrzeniò nie naprocëm, òd kwasnëch bąków, zlostlëwëch Tómków, òd pëskatoscë biãk, czej chcesz na brzëchù spac, òd krãconégò wqsa i kòzaniów spiãcëch, dlò szadëch i tësëch, òd tãpi kòsë, òd gùczów, gùbów i gùzów a òd za casnëch szituzów...*

*Tak bédëje Fópka ùni*

*Prosy ò rozmëszlenie.*

*A co mie za to zãptacã –*

*Dóm na zrzeszenie...*

## Słowòrk:

**Samòstójnota** – niepodległòść; **prãznica** – jajecznicã; **czej** – gdy; **panew z teflonã** – patelnia z powłokã teflonowã; **swiãda** – świadomòść; **prëtrófk** – przypadek; **cwëk** – sens; **lager** – obòz; **tec** – przeciez; **sztur** – rygor; **pòsobno** – kolejno; **hewò** – oto; **kùlanié** – turlanie; **rëzka** – rzãdek; **równak** – wszakżë; **rëchòwanié** – liczenie; **skòrac** – skarać; **pieczeniowi statk** – tu: patelnia; **prëlëmic sã** – przykleic się; **wëjimk** – wyjątek; **procëm** – wbrew; **mądrzela** – mądrala; **spisënk** – wykaz; **tej, tedë** – wiëc, zãtem; **król** – tu: menstruacja; **plëta** – kałuża; **òbrzëszk** – obowiazek; **zorgac** – oszczëdzcãc; **flotni** – szybciej; **bùwrón** – bałwan; **wrëk** – burak pastewny; **dëtka** – tu: pieniãdz; **wëczehlac** – tu: wykroic; **ruta** – szyba; **sztok** – gnojówka; **saja** – leworëczny; **bestre** – pstrokate; **lómpë** – odziez; **gùcza** – guz; **gùb** – faldka, **gùz** – guzik; **szituz** – ubikacja; **bédowac** – proponowãc.

www.fopke.pl